

渭南文集卷第一

綫裝書局

山陰陸

未

天申節賀表

任繼愈署簽



宋集珍本叢刊

第五十三冊

四川大學古籍整理研究所 編

儒藏系列

宋集珍本叢刊

第五十三冊

任繼愈署簽



綏裝書局

中國·北京二〇〇四年

第五十三冊目錄

廬陵周益國文忠公集(續)	周必大	一八五
誠齋先生江湖集	宋淳熙、紹熙遞刻本 楊萬里	二八〇
誠齋先生荆溪集		三三九
誠齋先生西歸集		三六〇
誠齋先生南海集		四〇七
誠齋先生江西道院集		四三八
誠齋先生朝天續集		四八五
誠齋先生退休集		五六五
批點分類誠齋先生文贈	元刻本 楊萬里撰 李誠父輯	七六一
誠齋集	明汲古閣鈔本 楊萬里	

書卷第二

廬陵周益國文忠公集卷一百八十七
已後學歐陽榮介卿重刊

書二

陸務觀 淳熙九年

某頓首拜啟正月間辱海峽知從者遊鄞未果再遣記伺錫轉致近言喜承台候萬福太史滯留人人皆謂合鳴國家之盛奉祠談久起家爲郎者甚多某身在四近乃不及一狗監愧當何如旦夕試爲左撥言之劍南詩稟連日快讀其高處不減曹思王李太白其下猶伯仲岑參劉禹錫何真積頓悟一至此也前又從張鑑直閣借得續彙及富沙新編所謂精明之至及造疎廬陵周益國文忠公集卷一百八十七 宋集珍本叢刊

又 淳熙十一年

某頓首拜啟近疎卒記非獨緒使亦以日疾爲祟經月未愈有妨執筆其於懷抑殆不勝言歲事告新雖惟台候萬福某力小任事已非所安年衰氣索又覺難於支古思奉談笑於雲門鑑湖之間恨無飛羽也通飾尤冗亟此爲問願乘榮亨早陟班列此亦衆詞所同祝者官會一角封納餘乞保重小宜某頓首再

拜務觀知府編修等兄執事

陳君舉舍人 淳熙九年

某頓首拜啟聞不聞問詹仰無窮即日恭惟尊候萬福者夢吉慶某孤立於朝全無師友教誨之助持此倥傯而欲任重有補斯亦難矣春間得伯兄計便當告歸正以主恩未報難徇私計遂因循至今比填星犯上將於占當任其咎因是可以自弛矣胡君拔解可喜徐君厚謂其程文頗平易去省試尚數月更與琢磨之遂繼正則爲佳鄭全真行欲子細附一書竟爲事奪燈下草草惟冀保重不宣某頓首再拜崇道通判國錄兄執事

又 淳熙十年

廬陵周益國文忠公集卷一百八十七

宋集珍本叢刊

某頓首再拜近不聞問曩惟尊候萬福春聚吉慶胡君何故未來今待郎六月間恐可到此牒試向難指揮也景元竟就祠祿天台若少助之亦無妨否噶宗正宛轉如何更俟來諭龍園墳地不謂小人又爾侵犯是誠巨堪太守書設封去人各有所見難強之也聞繼舊已賜書別乘料理第恐疎次近耳子宜想時相會切爲致意某自得宜春兄父子之計憂惱成疾在此極不皇安奉行交書既以抹過不暇至於經國遠慮畧不能措意其間豈有心知其非而常可強顏者耶因鄭君遣介草草爲問餘冀保重不宣

又 紹熙二年

某病以清和協序惟某官主盟斯文高厚顯相台候萬福

聖之詞時見邸報中西州省上計已消吉由此領袖禁無

每用是以釋金御更漸愛玉體以承帝遲某比遺狀幸達祠請

曲蒙借助感荷無致昔人乞身強健時回欲優哉游哉以全

節若侯者年踰如此百病交攻勢窮力殆初非得已苟免鄙笑

已幸電復何云目前藥不離口傍及妻稚日日問醫比復失三

歲次孫年來星運不常情懷懷也黃瑞安文字已收潘詩

以合人下論雖微換易自當那般但今歲三章始錄行之萬師

自先已牛諾既而陳同甫又來力薦古不肯死今當奈何元樞

子宜諸公多薦羅揚勢未容諾而頃所舉數人外去職適爭數

廬陵周益國文忠公集

卷一百八十七

三

宋集珍
本叢刊

目不曾舉張善化及邵致授趙帳幹此皆以照牒來責償莫知
所指幸潘詩成資在來夏莫可待至臘月否今且納照牒不敢
食言一語少欺他日何以自解故人必諒此心坐是亦未敢作
潘詩書幸為說及瑞安回字先發去得免浮滿幸甚

徐子宜

淳熙九年

某頓首拜啟久不聞動靜冬寒孝履何似北堂夫人寢膳如宜
脊受均安端憂餘暇過從不乏否某力小任重憂愧異常朝士
雖眾畧無相親相益之友愚而自用玩歲愒日安得不蒙主知
旬日乘填星犯上將訊之占告咎匪他人用此愈不自安聖節
後勢當控請懷安之罪固大若妨賢竊位又將不勝誅也蔡邵

州尉整三年在今亦未易得因會致意正阻語言萬萬飾哀自
重不宜某頓首再拜子宜大孝奉友兄

又

淳熙十一年

某頓首再拜比每九月二十五日書况不勝慰感訊後不審孝
履何如想倚北堂夫人所履支勝某以一身而肩百慮其懼其
勞其危皆可意度得失有命此非所計惟中外之事未易區處
顧於斯時而載高位畧無相助之人其將何以奉貢而副聖主
委有之意耶物情隔越使來者不能盡情此不肖之大病平居
每以為患而學力不至所養不因臨時輒忘之此正當克已自
反而不敢尤人者非七兄相愛厚孰肯箴其膏肓感激激激

廬陵周益國文忠公集

卷一百八十七

四

宋集珍
本叢刊

先每以不容欬曲為恨李簡州近得書嘗同施參為丞相言宜
與一郡又不欲逼更俟旦夕言之第恐其鄉人自為矛盾耳乳
香鍾乳茸附各致少許此誠不可闕將創御四方饋遺而素不
服煖藥餘無贏也先奉議既告祭日候來歸未承晤聞更幾保
愛因仲潛專人回附此適口疾未愈不能詳謹皇恐不宜某頓
首再拜

又

紹熙四年

某茲承榮遷宰士持橐有期不勝贊喜欲作書為慶而連日疾
眩牽聯頭目昏痛不可言寫字極艱遂爾占吏實等情察少益
某去冬到官一考懇還郡寄蒙恩降詔不允深欲勉強少留以
圖報塞今復半載矣乃自春以來衰疾日侵心力疲乏觸事廢

忘最是兩眼如割視物艱辛從舊術者多云今歲運氣不佳自推亦是如此初亦未甚深信今覺得疾病攪纏甚可畏也若不亟投閑散必貽深咎已具奏乞奉祠恐聖主批降詔不允則再請又須數十日欲望稟白宰執先爲奏過庶幾相應已諭旨更令得旨方投奏劄仍告一言於右史中書舍人終不能親書所以附此敘得同致力莫大之賜也僉未暇及漸爲國保重不宣

葉正則 淳熙九年

某頓首再拜尋近青喜承榮侍官居尊候萬福科舉曲折日夜念之前佐東府不能有所獻明今輒增愧耳考校所得能幾何初不爲此只望得數奇士僉日副國家之用三復閑處又以歎服不復及之也條惟爲時厚愛不宣

王州會司尺 元夫 淳熙九年

廬陵周益國文忠公集

卷一百八十七

五 宋集珍本叢刊

某頓首啟聞者幸數面知賢而不能知其愧可知執事既不以是見望乃因其冒居西府猶有以教之其相期厚矣自揣何以當此惟慙慙感迎日想惟履況多福湖廣利病謹以三復守令誠得人雖遇水旱人亦不忍爲盜此固爲治之本也若乃兵卒未練日夜以爲慮慮車甚爾意職事沙侯威聲素著去冬上特加路分以寵之必能振職以爲報其他有可垂諭者繼此尙幸不部此外萬萬厚愛

陳伯震 淳熙九年

某啟慰已具右幅邇日孝履何似安撫直閣奮由儒學抱能未施雖中年仕宦不偶而主眷至厚謂當召用不料一疾不起士大夫無不嗟惜矧辱契愛者乎每惟卷懷事業放情山水寓意詩文其取於造物廉矣然猶奪其年如此之遠天理何可曉也冀卒在幾時更幾節哀自重不宣

深陽鄧宰 地 淳熙九年

某頓首啟辱書翰喜承別後履況集福下車將期月學道愛人之志可以少施財賦匱乏所在固有然虛數如此其多亦太甚矣既酬鑰相知別無掣肘煩可隨事料理否左氏類對三復歎不宣

廬陵周益國文忠公集

卷一百八十七

六 宋集珍本叢刊

王教授巽伯 申 淳熙十年

某頓首啟戊戌歲在殿廡讀左右所對策自齊家治國修身正心而至於遠便屢用正人刑四凶少正卯辨卽墨阿大夫首尾殆七千言意忠而氣直辭達而理暢雖未識面此心固已降矣自爾叨塵益過分乃不能畧誦周南之滯徒有愧怍往來於心以是不敢相聞敢附不棄鄙陋既以書先又有以教之幸甚過望不可言也冬凜孝履何如主上深念養兵衆且久民力殆不

能支慨然欲議屯田始御札示將帥監司尋慮其擾博謀卿士
擇人而後付可見置之重之不敢輕舉矣左右端居餘暇非特
條陳利病又盡爲可行之策自非以范文正之心爲心而循其
故事孰肯如此顧其實何以當之豈所謂寧有不可告而告之
者耶佩服至意莫知紀極謹寘几案間朝夕披閱緣衆人未有
定論須俟極其所至乃當發明仁言之利決不敢虛辱厚況來
介索報允追亟此道謝餘儀哀白重不宣

潘長沙劉仲洪

德秀

淳熙十年

某頓首啟聞達不勝思企至後方尋八月所惠書雖云甚久亦
足爲慰迨日想惟尊候萬福通才束於若令屈隔一邑矧復需

廬陵周益國文忠公集

卷一百八十七

七

宋集珍
本叢刊

次殊鬱與論某叨座過分夙夜憂愧欲從容州縣以安方寸而
不可得古人仕至六百石輒免去有以也夫仲遠見關可喜莫
申明免對否末由會晤萬萬爲才業厚愛不宣

陳機宜

淳熙十年

某頓首再拜別久不勝傾企甚喜承尊候萬福客從岡可樂
况龍圖公名德甚重錦官城古今號爲樂土於此遊宦其樂又
豈處比耶北方惴惴虛囑所在皆然度爲王無恙必繼履
纔易世便自不可保兩司徵調中邊防等事皆經遠之慮
廷一一報去然神而明之存乎其人正賴幕中之辦更幾以時
珍厚共赴功名之會不宣

本集
淳熙十年

某啟兩承惠字具承孝履如宜先丈通知清名與學當享遐齡
奄茲淪謝良極嘆惜行實幸得三復惡語恐不足以發揮潛德
未敢造次以田易僧寺葬地可行今先納參議史郎中書託宛
轉叩制帥不欲徑言之如謁參議亦須婉其辭蓋賓主皆奉親
此等事非所樂聞耳餘冀節哀白重不宣

岳林智顯

淳熙十年

某拜手兩辱書況具審起居清安坐夏人多此非力致必有以
服其心矣正宜大闢宗風未可便打退鼓也某自得宜春兄父
子之計憂惱成疾極難堪處今又聞族姑不幸老懷益深惻楚

廬陵周益國文忠公集

卷一百八十七

八

宋集珍
本叢刊

已兒百千助其葬事切勸伯隱兄弟乘時了却世俗無益之費
皆可削也度縣止給川廣此未有之餘冀保愛不宣

福州西禪德瑗

淳熙十一年

某啟久不聞問馳企良深每近吾喜承敬處清勝林下道人猶
有多病蚤衰之歎况如不才日處要劇愧懼交懷豈止髮白面
皺而已常河依依之性則不繫於老少安得聆言共究斯事臨
風惘惘荔子歲煩遣致感怍而已楊蒲綬一疋謾寄意惟保
愛不宣

沈叔晦

淳熙十一年

某懷息拜啟自聞先德棄背憂欲附狀而營職疲勞因循未果

惟是金匱未嘗一日去心遠承祥琴已御席入幕之命雖欲置記則已後時忽江誨翰慚作無以自解亦惟故人恕察而已咸事將新共惟尊候萬福北堂夫人壽祺增不左右氣節學殖宜在中朝復從外補未愿與論會有誦周南之滯者某叨慶益踰分量未知所以塞責相識非不衆其肯以直諒相益者絕少已爲小人之歸固所未問至於尸祿索餐負上委寄罪將若何以此日夜不勝其愧且恐也值便盈謝來辱未暇他及寒涼所幾保重不宣

徐君厚 淳熙十一年

某頓首再拜近別不勝傾企尋書喜承佳履佳福邵武關則十

廬陵周益國文忠公集

卷一百八十七

九

宋集珍
本叢刊

五口當射果得之亦勝飽處貧者土之常若親老則須有以規其志左右今當以負米爲急未可專慕曲肱陋巷也某日於高位千慮百憂未嘗頃刻少安不相知者滔滔亦有以自取豈敢尤人是非得失在所不計只是力小任重無補國家此爲愧耳衆樞樞甘旨之餘拜嘉感幸紫隔一疋衣稍倍之湖綿二十兩敬助尊夫人饗多雜用皇恐皇恐秋冷切冀保重不宣

張唐卿 淳熙十一年

某頓首啟尋書喜承別後起居佳勝某叨座過分正此悚懼竊語非所敢當水寒憊甚勞相視固本精詳尤見留神上江打聽在此不覺張皇而秒之科擢當十倍於此又順流撐舟大費人

力勢須別作指置三數日間卽降指揮或有未安卸幸垂諭每具此爲報餘冀珍愛倚榮改不宣

江宣曾宰 淳熙十二年

某頓首啟尋書喜承消吉洗印履況集福紹興末見金陵倚郭事極簡而盛邑尤號易治每謁洪令終日蕭然飲食閑棋而已今何爲頓吳也學道愛人惟字民乃可設施名家尙更宜勉旃語論因書當道才美餘惟若時珍愛以俟明陟不宣

奚元美 淳熙十二年

某悚息再拜日因應酬浸疎嗣聞方此愧企尋手教喜承身候萬福賤生之日每蒙軫記不勝慚荷集句甚工自荆公及臨江

廬陵周益國文忠公集

卷一百八十七

十

宋集珍
本叢刊

孔氏江陰葛氏以來久無此作矣山房筆語凡六經諸史及本朝事實無不貫穿他日當版行以示後學不鄙見示何感如之左右名重當世用此見嫉於人一動一靜更宜審處無諸同年力岌岌不自安姑置是事永嘉徐圖之懇懇遺謝莫寫心曲續別拜狀麻蜜食二斤果食八斤值節設牲子厚乞巧文今可作石彼最喜模倣前人如新堂記答章中立書之類吾人獨不可游戲於斯乎秋熟萬萬保愛庭闈均介多祥不宣

綴說載典故最難石林燕語筆記極多蓋謂是也端明學士中興以來侍從如董耘胡交修輩極衆近歲如王巖亦足直云特敏公而已則未可奈何記得賜諡忠獻而未審樞密使

副知院同知近歲勅局修書不合並入雜壓并殿不合並刻石位或者多云失改正非也

王某文 賈 淳熙十二年

某悚息再拜讀名章俊語願結交之日久矣間者僅一面今遂十五年矣會晤既未諧音問亦復不通惟有傾企常往來於心也忽奉絨書詞源如飢三峽之浪快讀殆不能去手何感如之何尉如之說後不審及況奚似西意詩易當益見聖人之用心妙同執事緒條而所謂幻者無乃太謙乎夫惟病病是以不病愈日向容請教姑此復來況餘惟以時保愛不宣

李守 淳熙十二年

廬陵周益國文忠公集

卷一百八十七

十一

宋集珍本叢刊

某頓首啟別後不勝傾向夏熱細惟孝履支裕萬里謾先公之匿善達故鄉此天相非人力也送終大事更冀勉旃長書詞意惻惻感懷無已某荷先公知愛特厚自從承訣悲愴異常昨既與諸公共致奠文不敢別敘其私乃如哀挽豈容但已屬兩月來目疾大作繼以感風暴下更無一日好況勉強十章殊不成文蓋荒唐有素今復憂邊思職翰墨即捐况仙病哀思致尤容雖然就使不忙不病亦安得好語耶相望遠後會難必萬萬節哀自重不宣

某拜問尊夫人體候輕安老姬輩謹致千萬意公弟通判令弟承務並勤惠問悚刻之至抱病不能一一修報大恩如右也出

縣長位均勝門使君想常通言師普州之謠當爲丞相言之有需勿外某再拜

又 慶元二年

某再拜致知郡朝議處下分手歲月浩然企詠未嘗少忘去年下元節臨安轉知七月旦書翰勤勤累幅把玩不能釋萬里相望踰十旬方領來教僻居無人京使不能即致報幅今又踰十旬矣懶慢之罪何以自贖亦恃久要以不恐耳即日兼惟台候信撤殊粗分符清并行當秩滿間已除代且別有書招杜門莫知其詳有如政術通明家學淵博自應入登要路朝夕以冀某老而多病去年歲旦即上章納祿秋間方拜食旨只今積藥石

廬陵周益國文忠公集

卷一百八十七

十二

宋集珍本叢刊

以扶持其他一切弗暇問文簡公文字不曾得賢季書宗正鉅儒慮有大于筆發揮事業某既非其人况衰疾乎宛轉枝凋漏滯浮湛皆所不免胸次陳陳未容披寫惟幾爲時珍重重對石節不宣

某拜問僊門眷集細想上下均祔大善郎中方上要津多賀多賀制幹亦聞改除未果專狀小兒侍撫倅已數年今尙有年餘闕也附子天雄梁墨竹楚印杖遺物陳前佩刻無已紫蓮花紗一疋耶締僑札之好不在物也劉衡州家事大善郎中必於家訊中詳言之某再拜

時後授 淳熙十二年

某頓首前年六月辱寄示平勃王成論理致高遠風味不能去
手屬應酬少暇而持書人又不待報遂成因循昨因徐譚二君
近呂子約歸皆託道愧謝既荷心照必未貽誚也茲勤嗣問喜
審履況佳適二序并書益嘆辭遠來諭謂太史公好學深思心
知其意是因得進道之門積而不已則取之左右達其原如孟
子所云非可知之實耶昔東萊切切然以先知覺後知今不復
有斯人矣師道之傳正在君等更幾勉旃保愛不宣

王宰 淳熙十二年

某頓首辱寄承別後履況集福需次實淹才猷然迨此暇時
須養器業於親側亦足樂矣劉承務書已收去年其兄名孝立

廬陵周益國文忠公集

卷一百八十七

十三

宋集珍
本叢刊

者前訪出元城數帖後有詹靜江諸人跋且云某喪在廣東無
力遷葬於衡因為題數百字寄聲掌帥馬清韓倉諷其資助後
來不曾得報未知真偽竟何如今劉殊不及之莫是別有浮世
不忿怒姑此布復餘冀以時保愛不宣

又 慶元六年

某頓首辱寄承夏暑字民底積病受多祉先德潛懿意雖不
敢失實然懼牒不足行遠寄示副墨不勝悚感樣式有古意
單君佳士篆自工也為約中興頌涪溪碑鰓線過荷寵惠李西
堂書偶收得墨蹟數軸適風病再旬未愈尚稽一言考工記三
復數卿新塗亦暫考盡謂其屬皆散在五官中亦是一說然

豈若因其文類而析之為工也歟濟自來極難如來諒則均無
負人甚善其書中無可寄適土織克經二疋畫扇十柄設往
餘冀保愛以需榮改不宣

陳德卿 淳熙十二年

某頓首啟府勤惠翰承履況集福長書偉麗申以文編凡可
寓謙勤而致誠意者無所不用其至雖筆之人亦當曲從况託
鄉粉之好乎左右所求又非甚高不過欲一二書見為酬耳此
而固拒豈近人情所以遲遲未能輕發者正以監司帥臣咸有
文字三數紙而求者常不下數十人舉者之難甚於求者蓋既
有故舊又有辦職事人又有親戚對易者其以中都之勢逼而

廬陵周益國文忠公集

卷一百八十七

十四

宋集珍
本叢刊

取之乃一端耳若監司帥臣偶是相知則或從或違尚無利害
萬一孟逆強而不從彼此未免懷疑乎幸左右到官未久顧少
需之且如鄱陽彭丞亦鄉人也近嘗親至此告以曲折而歸白
某面上言之只二賢者自要文字十紙而相參臺諫侍從故舊
又不知其幾何果可一一取必否此甚易知所以緩緩布聞者
緣道遠勞煩專人承聽亦未易辦非如珠玉可得於咳唾間是
以不覺占吏喋喋耳屬感風已旬日勢猶未已欲取佳篇展和
一二不能也向然萬萬保重不宣

胡長彥 淳熙十二年

某頓首拜啟比方遣狀并納石刻茲復拜墨妙殊深佩刻伏

恭惟尊侯萬福某病久當制任常懼顛沛以忝所生每臨初
度感恨增切豈謂長者義篤契好歲貽傑作今茲中和之說上
自六經下至漢唐包括殆無遺者正使盛年苦學未易臻此孰
謂年閱九秋乃爾精博用是占壽考之祥則千二百歲何疑焉
念無以酬厚况輒敢欣禱如此廬陵比困旱歉上自擇趙守往
蘇疲貳果不負知人之明甚休甚休

周輝

淳熙十二年

某悚息再拜尋書喜承投說清福眷聚吉慶某頃道滿節久合
歸休益甘恩榮將何以稱一味憂愧而已故人宜規而頌雖佩
受予然非所望也毒熱可畏水鄉少過從不妨賦詠於茂林修

廬陵周益國文忠公集

卷一百八十七

十五

宋集珍
本叢刊

竹間東坡云無事此靜坐一日是兩日竊計所得皆倍於我豈
止歲月閑忙耶何時入都尙圖晤語未間保重不宣

彭澤周宰

別來

淳熙十三年

某頓首啟去臘嘗尋昔況既冗且病而走介又不待報遂成因
循愧企常往來於心也暑雨不審殷況何如有民有社足行所
學今幸非淵明之時正當勸梁公事業耳長慶文采甚奇欽歎
無已末由再晤萬萬保愛以俟識擢不宣

賴縣葉丞

才老

淳熙十三年

某頓首家兄史君眼高一世素謹許可每書來道足下學問賢
德累數十言雖未識面而求益之心已切忽辱昔況貳以長慶

欣感不可名也秋暑履況復何如次韻蒙求精切博洽非獨適
過李洵如王令亦當敬避下風轉示朝士無不咨美今既版行
自應與學者共之甚休甚休何時晤語警發淺陋臨風悵望餘
幾善愛不宣

邵武張簿

淳熙十四年

某悚息尋三月所惠書喜承別後起居佳勝內之議論外之方
雅見教淳淳累數千言連日披讀不能去手非以先東萊師友
之誼今石湖與甥之好其孰肯不鄙而發之如此之周也每惟
切慮過分心雖勞而力弗勝恐卒負士友所期望而益重風俗
之弊是以朝夕羞愧未知所以自解徒有感刻不忘於中姑此

廬陵周益國文忠公集

卷一百八十七

十六

宋集珍
本叢刊

道謝餘冀加愛

成都路王鈞幹

聞禮

淳熙十四年

某悚息啟尋六月書況喜承幕府雍容坐應多祉某叨塵過分
日切竊懼舊賢乃第一義其如孤跡不為衆論所與王弱翁輩
適以累之上抗估為六十州之害亦嘗深思極之之策粗得其
說正緣獨力無助有唱莫應未容改爲奈何左右雖職清事簡
然協贊制闢其功非薄書期會可比但古今是非難信又接乎
耳者止出乎士大夫之愛憎所謂民之真毀譽何由可聞更慚
熱請此外萬萬保愛

南陵郭宰

淳熙十四年

某懷恩敬尋九月書具審履況多裕至尉補欠足彰敏手亦有
頑民妄壯陳訴刑部初擬送提刑司委官體究常論以恐長小
人之勢別令勘當然不可不大爲之防蓋作邑誠未易耳豫章
帖極佳懇懇姑此布復餘冀以時保愛

俞辛 庭排 紹熙元年

某凍息啟去秋經從疊荷迂顧行色忽驚殊恨不款歸而杜門
無從奉記方切傾軋好音來冀喜承履況集福周禮六官謬誤
每以爲疑今讀復古編謂每官皆六十種正其詳其論司徒尤
善黃韓退之在西掖頗久而外集僅存崔羣除戶侍一制首云
地官之職邦教是先其末僅有擇才經賦一句唐戶部專掌財

廬陵周益國文忠公集

卷一百八十七

十七

宋集珍
本叢刊

退而退之自有先後之序殆與左右議論合非深於經者不足
以與此又世婦當爲一官環人義不主國皆前人未嘗及者開
發多矣稍涼當以數語附其後目前非獨炎熱巨堪兼腹疾半
月餘尚未全愈極爲疲憊未暇致思也歐帖其妙但治平四年
三刀兩語乃神廟親札是歲正月英宗已上仙未踰年故未改
元宜垂其之恐筆印漸廣耳稍安別奉記條惟加愛不宣
十有四省去年字前古見字更無可疑唐君碑蓋何從得之
便可添入跋語中

周行可 紹熙元年

某敬敷勤迂顧得奉談笑極以對幸而刻起居何如詩傳博取

諸篇之說以合經旨用力至矣連日細讀開發爲多佳篇長短
句又皆規模前輩未嘗苟作既從于湖又識南軒定自不凡也
不腆酒饌聊代面晤餘冀保愛不宣

黃日新 紹熙元年

某敬遠蒙相過寵惠長書極論師友之誼自非志勤學富孰能
及此愧某無以稱也附圖通鑑韻語積二十餘年之力使千三
百餘年治亂興衰聚散一編自博而約以便觀覽是書若成學
者將願見而不可得乃反皇皇然預求當世名儒爲序爲跋以
發揚之抑何謙也某老詩廢學安敢輒附名諸公之後而論
諄勸當有以報詳觀足下所次韻語自云以通鑑節要爲主然

廬陵周益國文忠公集

卷一百八十七

十八

宋集珍
本叢刊

後卽史以著其始末大槩歸溫公是書以廣帝學故其事備
其軼繁退而思與天下後世章布同之故舉其綱撮其要其說
美矣然今所謂自序者既有神考寵以冠序之語又有退居時
樂園取舊編削繁蕪之文按公當裕陵上賓之兩月卽入爲門
下侍郎於時尚未用廟號也其後拜相薨靈位豈嘗再歸靈書
堂耶若謂在元豐中居洛時則初未奉諱安得謂之神考設使
節要先成序文後作亦當畧言其故奈何全不及之抵牾如此
非文正親筆甚明朱公元晦知而不言蓋期足下逆於道而不
在乎書也元晦又謂諸圖不可及白可孤行其待足下至矣電
口成稿敢不敬題其後懇懇奉此或未行尙圖而叙不宣

趙蕃 紹興元年

某悚息啟舒書翰欣審別後履況集福某老病不才豈能當滿
翰之寄已力控免矣家兄封示近作歎服彌甚徐子筆力超邁
一第何足取莫勸其且畱意舉業以紹世科然後竟此事否前
輩雖賦陽公猶未免如此也陳明叔之子皆薄周旋之屬兩月
來瘡瘍爲累兩手猶甚執筆良艱占吏草草惟冀保愛不宜某
悚息啟昌甫監廟從事鄉友

某悚息啟比觀因任之報方切特喜便中得首春華翰喜承履
候多福占詩愈奇細懷劉張潘殊以恨然某強顏忽忽累月行

廬陵周益國文忠公集

卷一百八十七

十九

宋集珍
本叢刊

嘗自池歸理荒徑電無足言長沙比極宮隘非到此不知向來
從容之源流大抵各是趣了目前不恤後目其於甲令則有所
不問某方以具送費支吾深言又似拒四方之賓客因來畧畧
及之適日會面方可白也多春大暖遂苦赤日全不能作字值
丙辛端便略此占謝餘惟願令頤養不宜

太和趙宰

師夷

紹興二年

某悚息啟承近問欣審邑政已成履況集福紅藥名醞併昇佳
惠遂無頭慵舉眼懶開之歎何感如之徐明叔篆深有騎省家
法揭之縣宇可謂壯觀徐又嘗題臨江之清江亭近歲張安國
書而易之每爲太息去年扁鵲守詢訪偶得之入石遂爲江西

二絕矣忽忽姑此敘謝餘冀保愛以需盛扣不宜

清湘楊宰 紹

某悚息啟自頃復牀老病杜門無由嗣音方此馳企辱惠問喜
審官況安適彭守深憶其去士大夫有意爲民者多矣往往才
力有限施設之際鮮如本指幸得此君又不能滿任造物殊難
曉也承下車一考有半消已薦聞行慶獎提所諭備悉偶念臺
背有見攻之嫌他處難及之恐會語涉商量耳高明能加亮否
末由會晤臨風依向秋暑萬萬保蓄人還布復不宜

劉崇仲

其

紹興二年

某悚息稍閒起居何如朋酒聊助昆仲燕集才華敏妙固不必

廬陵周益國文忠公集

卷一百八十七

二十

宋集珍
本叢刊

乞巧也故事扇知是青毡舊物妻欲印去適九夏雨涼未果遺
今雖清秋而酷暑與常輒往十柄或可用至八月耳他俟面承

彭清卿

叔夏

紹興五年

某頓首昨日荷垂顧經昔起居佳勝前堪得新詩固深歎服茲
緣徙居蒙以百韵爲況學廣詞健步驟前昔非流輩所能勞攝
愧不肖無以稱惟當逢人說項斯耳專此爲謝不宜

關先師序

紹興二年

某啟曩幸蒙言問達傾企辱書欣審戒愷輕安二頌句中有眼
殊深歎服所愧老謬不足以當之耳前秋到山中頗惜淺小今
春雨雪有餘飛流澌沫極天下之壯觀徒形夢想而已石刻佳

宣

又

又

廬陵周益國文忠公集

卷一百八十七

二六二

宋集珍
本叢刊

某拜手遠辱書翰欣審戒體清安示諭去住任緣期於無愧未
料介懷此正平日用工夫處今乃得力甚善寶巖惟愧乏領不
妨結緣如在真通時也某自閑退不敢先發時官書有來卽答
之耳安樂茶荷分兌闌乳十片設待餘希厚愛不宣

無錫吳宰

某悚息竊睽異歲月浩然每懷劇談輒以俟望屢緘遠暨喜承游刃慨然官况安適某老病不才自合退休聖恩渥至誼難固避場來士鄉想欽夫之餘風思文酒之遺事既不容復見矣庶幾賢者可以晤語則又游宦他邦無由欵承此情快快可想而知也長牋同意高妙當珍藏以爲永好屬禱巾末應聲愧中峩

此敘謝餘惟爲遠業珍愛卽俟晉用不宣

又紹熙五年春

某惶恐拜啟別日滋久傾企良深音驛不能頻致更以爲愧春
元甫屈納惟道與時亨倍擁如川之祉某以衰殘理繁劇可謂
不自量而強所短豈料幸逢嚴罰俯仰三臘微諸賢有以掩覆
之何以及此今蒙上恩徒領藉此且爲歸計安敢希責繇之榮
耶謝廟二文願述節意別紙錄去煩呈似南強平父也馮教授
舉狀垂成而職司未入手乃公廷勞以爲言不敢効近世姑用
虛言塞責詳具南強書中史望相與實國利之旅瑣道記草草
條惟爲遠業珍厚以俟晉遷道夫袖詩送別深以爲感不宣

廬陵周益國文忠公集

卷一百八十七

$$11+11$$

宋集珍
本叢刊

湘陰林宰采
紹熙二年

某悚息收辱惠問喜審官无安適洪氏自貽伊戚初緩而後急者亦隨其理勢何容心焉過煩瑣謝祇以爲愧民訟固難從簡但彼或無辜拘繫之類至令親戚有詞安得不下縣取索蓋當官能平氣盡心者寡矣若州郡便迫人相擾則是據信偏詞不過只因依倖結絕所謂移送十無一二况諸司日日打罵州府豈敢必其無詞耶內有果是無理邑中明與辨析差人解州當如憲治張本作如憲治張本作窮治以警妄訴庶幾兩得未審雅意如何治盜方欲奉聞見此商議不知移塞還舊處已了畢否急急姑此布復餘希厚愛不宣

又 紹熙三年閏三月

某悚息啟比幸晤言既別傾向承惠問喜審官兄宜嘉冬春少雨今歲十二龍治水人皆以為憂所祈未應勢有可慮有合措置事件千萬先為之備賊渠雖修若無儲蓄猶不修也其他非書所能盡者更願介念節大垂報魏巡檢無狀本欲對移為要合就任內移案仍舊故且少緩若有支費當為理折幸同所委官亟圖之暴家破修釘木植亦然結絕民訟已悉餘冀保愛不宣

安化徐宰 華國

某悚息啟比幸晤言既別傾企身雙絨盛禮喜承消吉視象坐

廬陵周益國文忠公集

卷一百八十七

二十三

宋集珍
本叢刊

薦不社邑僻人頑想倍費料理然豈弟之政自足化民成俗殆未可以他吏期也某衰老備員待諸邑曲盡其至近願以寬縱相玩或符移不報或飲宴廢事此雖深當自咎然至於誤事則未免差人稍加料責况新漕風采聳聞尤不可忽惟賢者能亮誠意乃敢言餘冀保愛有可垂諭毋惜片紙以告不宣

孟陽黃宰 後 紹熙三年春

某悚息啟游勸惠問喜審履况安裕清修寺詩荷介念石不必移公置寺中為作財賦方委官下諸縣划刷若貴治以時催起則可免其一行彼此之幸也如強竊盜煩督巡尉嚴行捕治聞管下多有隱而不言者耳忽忽姑此布復餘冀珍愛不宣

醴陵謝宰 鼎

某悚息啟辱不翰喜審奉親治民履况集福某蒙復職方此控辭首枉長賤第深懷感百里甚勞區處藉諸色財賦欠多州家乏用而期會又不以時報已差主簿督責蓋非得已若治境能無違欠使所差官免勤儉人亦彼之利也餘冀保頤以需來渥不宣

攸縣歐陽尉 嚴起

某悚息啟比勤寵顧幸得款承別後方切傾鄉辱書喜承官現清巡僻里狀備悉邑境盜有未獲者切煩加意捕治至祝怒怒如此布復餘冀厚愛不宣

廬陵周益國文忠公集

卷一百八十七

二十四

宋集珍
本叢刊

知縣相會煩致意攸溪文已收科義來擾人畧不來商量何也 主簿所不坊場中其利害曉然須俟新宰至議之

臨武林宰 寶後 紹熙三年

某悚息啟游勸惠問喜審官兄宜嘉財賦既乏所在皆然撙節外別無說也兼兵須從太守保明乃可施行彈壓緝捕不知共幾人煩先問具數及補授年月所居鄉分一一垂諭當斟酌行下土軍何不稟白州郡既衣糧在邑中支請豈容強悍難制也忽忽姑此布復餘冀厚愛不宣

東安柳宰 林 紹熙三年

某悚息比復書幸達 關問喜審已逐洗印起居集福邑中

屢經回祿其何以堪比憲車云昔檢消司錢米相助太守亦以仁凡百必不掣善書之肘也張憲二書已收餘藝珍愛以需者續不宣

趙歲 紹熙三年

某悚息敬辱去臘書翰喜承校况集福令兄再得詞可喜一書幸呈似邑宰書中已及昆仲依託之意矣十月以後月給三千并蘇合香丸一兩並封去雖藥物之類皆以俸爲之帥司本州月支供給添給凡萬緒更無毫髮贏餘窘迫殊可笑也偶赤日爲祟不及親染惟幾厚愛不宣

廬陵周益國文忠公集

卷一百八十七

二十五

宋集珍
本叢刊

書錄卷一終

邑後學歐陽榮介卿重刊

書三

曾無疑 三異 紹興四年七月

某頓首近往記幸達海勃堅教喜審履况集福曲記賤生寵以樂章二疊藻思駿發玩味不能去手所愧無以稱之耳六一集方以俸金送劉氏兄弟私下刻板免得官中擾人編年自當附入家宋元稟議封納是正畢却幸垂教夏早湖湘亦然老病丐去未遂極費支吾也修城事無逸亦問及營繕糴寫去通天下郡邑何處無郭郭此間斷缺二百餘處存者草木叢生根株盤

廬陵周益國文忠公集

卷一百八十八

一 宋集珍本叢刊

互四出日就摧毀再三度約費十數萬緡可以補治初與豐漕議藉彼嚴重辦集且免本州侵移之嫌豐漕欣然謂允當乃敢有請及命下而士人及好閑議論者怵以日給當厚廣哀當削又欲大為濠塹拆毀附近民居而不知軍中役兵自有常例縮而小之為備禦計則雖數十萬兵豈能周徧內地非邊防亦安用如此擾擾皆與本謀相違非口舌能勝遂緩其役以避尤良星者今一面聚集磚灰以待後人不必遠求只如廬陵宜春亦有城否禁軍可防守否近世士大夫不問事之本末動輒云云所以自為謀者一切無所規畫聽其自然蓋避此也如何如何餘冀保愛臨風思企

又 嘉泰二年

某前奉記甚誠裂辱教勒懇喜承履况集福飢民逐食雖無能為亦是鄉居之擾今當定矣傳啟已收毛拔萃文俟全編至寬限題數語盡素無七步之才今老過豈復事筆硯耶均是出身進士為重尙與制科遷轉不同况諸科乎官制舊典未嘗詳考沿革止採一說安可全憑來論得其大槩矣唐制文散官甚多如每品必分上下階八品上階既有給事郎下階又有徵事郎皆文散官也本朝已從簡畧徵况犯諱故存給事郎後遂改承事之類矣忽忽姑此布謝餘幾加愛

又 嘉泰二年

廬陵周益國文忠公集

卷一百八十八

二 宋集珍本叢刊

某昨答簡燈下日昏不暇詳悉來論禮惟繫牲乃可言碑此特一端禮記又云公室視豐碑注疏極詳謂斂大木為之形如石碑若不穿斂其上安能縱以下填偶與繫牲之狀同耳按許氏說文碑堅石也然則凡堅石刻文皆謂之碑自漢已然如韓愈平淮西碑之類皆是也特不當泥古繫斂於平地之碑耳至如涪溪刻頌亦在石崖恐難便謂黃張之說也所謂誌墓比于用銅其來遠矣後世人力既不能辦亦無良治或以木代或以軌為之蓋漢軌甚堅不減於石如銅雀之瓦尙可作硯况軌乎後世人謀益深軌又不堅始代以石愈久愈簡便也深虞前說浸傳輒述愚慮不敢以為當也國志且望介念手凍草草